



EH Bildu talde politikoa

Grupo político EH Bildu

Ijentea, 1 - 20003 Donostia

Tel. 943481027 eh_bildu@donostia.eus - www.donostia.ehbildu.eus -

Grupo Político ELKARREKIN DONOSTIA Talde Politikoa
(Podemos / Ezker Anitza-IU / Equo Berdeak)

MOZIO ARRUNTA

ONKOLOGIKOAREN EGOERA ETA OSAKIDETZAREN INTEGRAZIOA DIRELA ETA

EH BILDU udal taldeko bozeramaile Reyes Carrere Zabalak eta Elkarrekin Donostia udal taldeko bozeramaile Aitzole Araneta Zinkunegik, Udalbatzaren Organo Araudiko 98. artikulua oinarri, honako MOZIO ARRUNT hau aurkezten dute, Onkologikoaren egungo egoera eta Osakidetzaren integrazioa direla eta.

JUSTIFIKAZIOA

Onkologikoa jatorri, izaera eta bokazio publikoa duen osasun zentro monografikoa izan dugu Gipuzkoan. Nahiz eta azken urteotan izaera monografikoa galdu duen eta beronen etorkizuna kolokan egon den; besteak beste, Onkologikoan beharrezkoak diren inbertsioak ez direlako egin eta privatizazioan sakontzeko saiakerak sustatu direlako. Horren adibide izan dugu Logik.

Osakidetza, osasun sistema publikoa, onkologian ere erreferentea izatea nahi dugu. Bai prebentzioan eta diagnostikoan, bai tratamantuan eta ikerkuntzan. Eta horretarako ditugun baliabide guztiak probestu behar ditugula argi dugu, eta zalantzarik gabe, xede hori lortzeko Onkologikoa behar-beharrezkoa dugu.

Arestian aipatu bezala, Onkologikoa jatorriz, izaeraz eta helburuz publikoa da; sortu zenetik, beti izan zuen zentro publikotzat hartzeko bokazioa. Jabeek, agintariek eta, batez ere, profesionalek, bai eta pazienteek eta erabiltzaileek ere, beti adierazi zuten publikoki. Gogoratu erakunde publikoen bidez sortua izan zela- minbiziaren arretarako, ospitale monografiko gisa-, eta, orain arte, diru publikoa erabili izan dela beronen jarduerarako (kontzertazio sistema bidez aurrekontuaren %80-85 diru publikoarekin ordaindu da, urtero 23 milioi euro eta 5 urtetan 115 milioi euroko inbertsioarekin).



EH Bildu talde politikoa

Grupo político EH Bildu

Ijentea, 1 - 20003 Donostia

Tel. 943481027 eh_bildu@donostia.eus— www.donostia.ehbildu.eus -

Grupo Político ELKARREKIN DONOSTIA Talde Politikoa
(Podemos / Ezker Anitza-IU / Equo Berdeak)

Hainbat eragile politiko, sindikal eta sozialek aspalditik jardun dute Onkologia publiko egitearen alde. Hala, 2013ko martxoan, EH Bilduren ekimenez eta PSEren botoekin, Legebiltzarrean Onkologikoa Osasun Sistema Publikoan integratzea onartu zen, hau da, Osakidetzan, eta, horretarako, Kutxa Fundazioarekin elkarrizketak abian jartzea eta plangintza bat adostea, non epeak eta eman beharreko urratsak jasoko ziren. Baina Osasun Sailak eta Jaurlaritzak beste aldera begiratu zuten eta, nahiz eta, hainbat espezialitatetan (erradioterapia eta onkologia medikoan esaterako) integrazio funtzionalak onartuak izan, gainerakoa airean geratu zen. Bestetik, mahai instituzional bat ere teoriarik ba omen zen, integrazio funtzionalari jarraipena egiteko; baina pribatizazioa gailentzen joan zen Logik enpresaren bidez eta Onkologikoa bere izaera publikoa galtzen hasi zen.

2018ko uztailan azken urteetako norabide aldaketa ekar zezakeen berria iragarri zuen Osasun Sailak, alegia, Onkologikoa Osakidetzan integratzearena; horretarako, irailaren 4an, *Zerbitzu sanitarioak emateko titulartasun pribatuko eta irabazi asmorik gabeko zentro sanitarioekin atxikimendu-hitzarmen espezifikokoak izenpetzeko betekizunei eta prozedurei buruzkoa* onartuz, eta, horren ondorioz, Osasun Sailaren eta Onkologikoko Fundazioaren artean funtzionamendu integratua emateko hitzarmena sinatuz.

Beraz, ustez, urrats kualitatibo eta funtsezkoa emango zen hitzarmen honen bidez. Baina, praktikan, orduan ikusten ari gara, sinaturiko hitzarmena ez dela betetzen ari; Onkologikoko aktibitatea murrizten ari dela eta langileen etorkizuna kolokan dagoela.

Horiek horrela, EH BILDU udal taldeak eta Elkarrekin Donostia taldeak honako mozio arrunt hau aurkezten dute:



EH Bildu talde politikoa

Grupo político EH Bildu

Ijentea, 1 - 20003 Donostia

Tel. 943481027 eh_bildu@donostia.eus - www.donostia.ehbildu.eus -

Grupo Político ELKARREKIN DONOSTIA Talde Politikoa
(Podemos / Ezker Anitza-IU / Equo Berdeak)

MOZIO ARRUNTA

- Donostiako Udalbatzak hertsatuki eskatzen dio Eusko Jaurlaritzari 2018ko abenduan Osasun Sailak eta Onkologikoa Fundazioak sinaturiko atxikimendu-hitzarmena betetzea.
- Donostiako Udalbatzak hertsatuki eskatzen dio Eusko Jaurlaritzari Onkologikoko bularreko unitatea ez desegitea eta, oro har, Onkologikoko jarduera mantentzea; Onkologikoaren minbiziaren izaera monografikoa indartuz, Osakidetza onkologia sarea indartsuago bilakatzeko.
- Donostiako Udalbatzak hertsatuki eskatzen dio Eusko Jaurlaritzari Onkologikoa bere osotasunean Osakidetza integratzeko ekimena berrartzea, Onkologikoko langileak ere kontuan hartuz eta eurekin integratziorako plan bat landuz eta adostuz, egutegi baten baitan.

Donostian, 2021eko irailaren 10ean

Reyes Carrere Zabala

EH Bildu udal taldearen bozeramalea

Aitzole Araneta Zinkunegi

Elkarrekin Donostia udal taldearen bozeramailea



EH Bildu talde politikoa

Grupo político EH Bildu

Ijentea, 1 - 20003 Donostia

Tel. 943481027 eh_bildu@donostia.eus— www.donostia.ehbildu.eus -

Grupo Político ELKARREKIN DONOSTIA Talde Politikoa
(Podemos / Ezker Anitza-IU / Equo Berdeak)